

թիւն նորին միաբանութեան, եւ առ բարեօք եւ անվնաս կառավարութիւն նորին Ս. Պատրիարքի որոշէին զոմանս բանազէտ եւ գործունեայ անձինս խորհրդաւոր թուով զեօթն Սորհրդականս, որպէս և մեք քանի սմօք յառաջ յաւուրս Տեառն Թէոդորոսի բազմամեայ միաբանի եւ մեծալատակ Պատրիարքի կարգեալ հաստատեցաք, որով ոչ սակաւ օգուտ մեծի Աթոռոյն և ուրախութիւն ազգին եւ հանդարտութիւն մեզ երեւէր: Բայց յետ վախճանի նորին Սրբազնութեան՝ ոմանք՝ ՚ի կառավարչաց հանգուցեալ, և ոմանք յախորժակս իւրեանց սրտին բերեալ, և Սրբազան Պատրիարքին եւս եւ ոչ զմի ՚ի նոցանէ համարեալ, և այսպէս տարաձայնութեամբ և հակառակելով միմեանց՝ խանգարեցաւ խորհրդականութիւնն, և ամենայն օք ըստ դատողութեան մտաց իւրոց և ախորժակաց՝ յանօգուտս վատնէր և մխիթարէր ՚ի դիզումն պարտուց և յաւելումն վաշխից: Եւ մինչ ըստ ներկայականի իբր տիեզերական սասանութեանց զնացք ուխտաւորաց խափանեցան, և հեռաւորք չկարացին և չկարեն իսկ և ոչ սակաւուք արօք ինչ օգնել առ այժմ (ըստ որում ամենայն օք ծանրացաւ ՚ի պարտս), ուստի և Ս. Աթոռն առաւել եւս բեռնաւորեցաւ պարտութեամբ և տոկոսի հատկութեամբ. և առ այս իբր ՚ի բուժ ախտից դժուարափարատից, զայս մի ինչ գտաք, այս ինքն ընտրել և որոշել զեօթն անձինս անձնադիրս և իբր կարողս ՚ի կառավարութիւն Ս. Տանն եւ միաբանութեան նորին, եւս և հարկաւորապէս զընդդէմ կացողս բռնի պահանջողաց գլխաւորաց և հասարակաց: Չորս և յանուանէ ըստ կարգի նշանադրեալ կարգեցաք և հաստատեցաք մեք հոգածու և հոգաբարձութեամբ, և յանձնեցաք նոցա զամենայն կերպ կառավարութիւնս Սրբոյ Տանն ըստ հոգեւորին և ըստ մարմնաւորին, ըստ արտաքնայն և ըստ ներքնայն, ըստ եկամտից և ըստ ծախուց և ամենայն ըստ ամենայնի: Եւ վճռեցաք եւս, թէ Սրբազան Պատրիարքն ձեռնամուխ չլինիլ ՚ի գործս նոցա, զի մի ապա պատճառ վնասուց եւ անկարգութեանց գող դատեսցի: Եւ յայս միտ սահմանեալ կանոնեցաք զհարկաւորսն ՚ի մշտնջենաւոր գործառնութիւն եօթն Սորհրդականաց՝ և արձանադրեցաք այսպէս: